



Бугунги ўзбеклар, Шайбонийхон ўгилларининг ўз-беклари Мовароуннахр ва Хоразмга Жўжи улусининг бутун муассасалари ва ташкилотлари билан келган эдилар. Хатто хукуматда кабилаларнинг эгаллаган ўринлари ҳам кўпайганди. Ўзбеклар темурийларни энгар экан, хар ерда ўзларининг ташкилотларини ўрнатдилар.

Шундай килиб, Олтин Урданинг «ич эли» ҳисобланган ва саройга якин ҳамда яхшигина маданиятли унсурлар ҳам келган эдилар. Бунинг ила баробар Мовароуннахрга келган шайбонийлар, тарихчи Ўтамиш Хожининг таъбирига кўра, эскидан «Ўзбек эли»... мангитларнинг ўтрок улуслари яшамокда бўлган Туронзаминда, том маданий кисм заминида хоким бўлган халқдир. Маркази «Ок кўл», «Чалкар кўл» бўлган Тўргай вилояти шайбонийлар кўлига ўтган. Илгари бу ерларни, кейин Сирдарёнинг нариги чегараларини ва 1431 йил-дан Хоразмда умр кечирган Абулхайрхон «Турон ва бошкурт» тарафларини шайбонийлар кўлидан ва Гарбий Сибириyani Махмудбекхоннинг кўлидан олган эди. Бу зот давлат идорасини Жўжи улусининг жануб ва шимол тарафидаги зироат сохаларига каратиб, ўтрок ўлкаларга айлантормок сиёсатини таргиб этган эди. Зотан, замоннинг буюк олимларидан Хусайн Хоразмий бу хоннинг номига атаб туркча гўзал бир асар — «Касидаи Бурда»ни ёзган эди. Масъуд Кўхистоний деган бир одам ҳам унинг хаётини тавсиф этган бир форсий тарих китобини битган экан.-

Ўзбекларнинг катта бир кисми XVI асрда Зарафшон хавзасида ва Хоразмда ўтрок ва дехкончилик хаётига ўтди. Булар яна Сирдарё хавзасида ва Турон тарафларида яшаган вақтида ўтрок хаётга ўтаётган бўлсалар керак. Шайбонийхон эса Сирдарё ила Аштархон орасида етишган бир султондир. Шайбонийдан кейин Мовароуннахрга келган авлодларидан Махди ва Хамза султонлар илгари Туронзаминнинг калъа ва истехкомларига ва маъмур кисмларига эга бўлган Бахтиёр султоннинг ўгиллари эди. Улар билан келган ўзбеклар сўнги темурийлар замонида келганликлари айтиб ўтилади. Кабила тузилишига кўра «Ўзбеклар»ни хар ерда тўксон икки бов узбек деб атайдилар. Бов — бу кабила демакдир.

Бошкуртлар ичида шундай бов бор: «Ўн икки бовли бошкурт» дейдилар. Ўзбекларда 92 кабилавий бир «Насабнома» бор-дир.

«Насабнома»нинг XVI—XVII асрларда ёзилган нусхалари билан янги нусхалари орасида фарк жуда оз. (Масалан, Охунд Курбонали ва Хаников ҳамда Шайх Сулаймон нашрлари). Шубха йўқдирки, «Насабнома» ўзбекларнинг Олтин Ўрда замонидаги янги Мангит —

Нўгой ва козоклар айрилмасдан илгариги хаётига оиддир. Бу кабилалар шулардир:

**Минг, Юз, Кирк, Унгажит, Дайман, Кипчок, Аргин, Бурлок, Буслок, Чемарчин, Бўзай, Катай (Хитой), Жит, Жуют, Салжовут, Мангит, Кангит, Оймавут, Улажи, Гулеген (?), Кишлик, Томо, Мечет, Кирдери, Рамадан, Жуйрат, Бўзажи, Уйсун, Татар, Тилов, Ширин, Агир (Огиран), Бузан, Бузак, Барин (Бахрин), Мўгул, Нукус, Жалойир, Сарой, Ўнг, Кўнгирот, Олчин, Чичок, Калмок, Ойрат, Корлук, Тургавут, Катагон, Килечи, Кенагас, Бўйрак, Киёт, Кангли, Ўзже бўлузи, Упулачи, Гулун, Боёвут, Ўтарчи, Арлот, Керайит, Ўнгкут, Качат, Меркат, Буркут, Куралаш, Карлоп, Ўглон, Кудей, Туркман, Дўрмон, Тобин, Мумун, Адай, Тўксаба, Киргиз, Уйружи, Жўрга, Баташ, Кўйсун, Сулдуз, Тумай, Кўрлавут, Жилкаш, Югур, Ёбу (Екабу), Мўйтан, Мажор, Кўжалик, Чўран, Чурчут.**

Бу айтилган кабила исмларининг 33 кадар мўгул кабилаларининг, бошқалари эса Жўжи улусидаги бутун машхур турк кабилаларининг бир кисмидир. Бизга бугун номаълум бўлган кабилаларнинг номидир. Ўзбеклар келмасдан аввал Мовароуннахрда яшаб, сўнг уларга аралшиб кетган Барлос, Ковчин каби кабилалар бу орада йўқдир. Зикр этилган 92 кабиладан 45 кадар бугун ўзбек хаётига оиддир. Айтилган мўгул кабилалари эса албатта Жўжи улусига келган мўгул кисмларини ташкил қилган монголлардир. Монголча аталган кабилаларнинг катта кисми бу ерда, Мовароуннахрда ва Хоразмда яшайдилар. Анъана шаклидаги бу «Насабнома» бизга Мовароуннахр ва Хоразм ўзбекларининг мазкур рўйхатга қирган тўла кабилаларини, шу билан бирга Олтин Ўрданинг асл истинодгохи бўлган бутун кучларни кўрсатувчи ва барча ташкилотларнинг хаммасини Мовароуннахрга баробар дахлдорлигини намоён этса керак. Кабилаларнинг бугунги бўлиниши эса куйидагича:

1. Кўнгирот кабиласи. Бунинг катта аймоклари беш тармок бўлиб, биринчиси: Конжигали. У 14 тармокдан иборат: Ўрис, Коракурсок, Чўллик, Куён, Кулдовли, Милтек, Кўр тўги, Гала, Тўпкора, Корабўз, Нўгой, Билгалик, Дўсталик, Иккинчиси: Уюли аймаги. 9 тармокдан иборат: Ок тана, Кора Чуран, Туркман, Кувук, Бешбола, Коракалпок, Кажай, Хўжабача; учинчиси — Кўштамгали аймаги 9 тармокдир: Кўлоби, Бармок, Гўжахўр, Кўл-Чуб ургон, Каракалпок. Кўштамгали, Сафарбиз, Дилбари, Жачакли; тўртинчиси — Октамгали аймаги 7 тармокдир: Тортувли, Огамайли, Ишиколи, Козонжили, Ўйкули, Бўкачли, Киюгали; Бешинчиси— Кир аймаги беш тармокдир: Гузили, Кўсавли, Терс, Баликли, Куба.

Кўнгиротнинг бутун уруги шуъбалари-тармоклари Амударё хавзасида, Бухоронинг Гузор, Шеробод, Кўргонтепа вилоятларида бўладилар. Бухорода кўчманчи умр кечирадилар. Хоразмдагилар эса ўтрокдирлар.

2. Найман кабиласи, бунинг аймаги учта: Кўштамгали, Увактамгали, Садир. Хоразм ва Самарканд атрофида бўладилар.

3. Кенагас беш аймоқдан иборатдир: Каюрасали, Карокли, Очамайли, Жиккут, Абокли. Булар Хива ва Шахрисабз атрофида бўладилар.
  4. Мангит, уч аймоқдан иборатдир: Тўк мангит, Ок мангит, Кора мангит. Булар Хива ва Карши атрофида бўладилар.
  5. Туёкли. Самарканд ва Каттакўргон туманларида бўладилар.
  6. Мўйтан. Самарканд ва Каттакўргон туманларида бўладилар.
  7. Сарой. Шахрисабз, Яккабоғ худудида ўрнашган.
  8. Борин. Фаргона вилояти ва Каттакўргон туманида яшайдилар.
  9. Хитой.
  10. Кипчок. Самарканд, Каттакўргон туманла-рининг муҳим жойларини эгаллаганлар. Хива ва Фарғонада булар озчиликни ташкил қиладилар.
  11. Минг. Самарканд, Панжакент, Жиззах тарафларида ва Фарғонада бўладилар.
  12. Уч уруг: Мисит, Томо, Ебу. Бухоронинг Зиёвиддин худудида яшайдилар.
  13. Буркут. Челак ва Кармана атрофларида.
  14. Арлот. Коракўлда.
  15. Кангли. Жиззах худудида.
  16. Кирк, Юз, Минг, Жиззах туманида.
  17. Баташ. Карши, Гузор тарафларда яшайдилар.
  18. Коракалпок беш аймоқдан иборат: Коракўйли, Кора сингир, Оймавут, Истек, Очамайли. Булар Амударё хавзаси ва Самарканднинг шимолида Октепада бўладилар. Ўзбекларнинг эски шеваларини ва одатларини ўзига хос тарзда сақлаганлари, асосан Жиззах туманида бўладилар (Кирк, Кангли, Солик, Турк, Туркман, Найман, Мангит, Китойюз, Сулокли, Туёкли, Олача, Буркут, Серкали, Баймокли, Жалойир, Киргиз, Юз, Куён туёкли, Парчаюз, Карабча, Кушчи, Урокли, Тўкжори, Кўштамгали, Сарой, Конжигали). Факат бу қабилаларнинг нуфузи жуда оздир. Шарқий Бухорода кўчманчилик ҳаётини тўла тарқатмаганлар Душанбе атрофида «Лакай», «Марка кичик юз», Файзобод атрофинда «Карлук» каби қабилалардир.
- XIX аср бошларида хиндистонлик Мир Иззатуллоқ тарафидан афғон Туркистонидаги Ўзбеклар ҳақидаги тартиб этилган жадвал бироз эътиборга молик. Бунга кўра, у ердаги қабилалар қуйидагилардир. Шибиргон яқинидаги Сарипулда Минг қабиласининг Очамайли аймаги; унинг ёнида Сайёд деган жойда Очамайли ва Қазайогли, Минг, ундан қуйироқда Кипчок уруги, Кундузда тамоман Катагон, Балх худудида Сарой ва Мўйтан уруглари, Бадахшонда Эшкамиш ва катагонларнинг Бурга ҳамда Тимиш номи аймақлари яшайдилар. Норинда Чигатой уруги. Мир Иззатуллоқ Мўйтан ва Катагон уруғларининг аймақларига оид белгиларни беради. Мўйтан етти аймақдир: Тиликхона, Кўрмишли, Қазайогли, Чагар, Сум, Окшайик, Чучен, Катагон уруги эса уч аймақдир: Беш қабан, Салжовут, Тўрт ота. Беш қабаннинг тўрт бўлаги бор: Лакка (Лакай), Янги Катагон, Кесмавир, Каён, Манас. Кесмавирнинг тўрт тираги бор: Ок тоғлик, Андижони, Қаласи, Бумин. Манаснинг уч тираги бор: Темиш, Сарбагиш, Бурга. Тўрт отанинг тўрт бўлаги бор: Сарик Катагон, Чурок, Бошсиз, Мардод. Чурокнинг икки тираги бор: Киз отизи, Шўланг. Мардоднинг уч тираги бор: Иучата, Бўзон, Жўтудук.
- Ўзбек қабилари ичида аристократ — «Бекзод» лақабини олганлар бор. Булар хонларнинг тахтга чиқиши ва мамла-қатни бошқаришда фаол иштирок этганлар. Булардан Хива-да Киёт-Кўнгирот, Йўгур-Найман, Кангли-Кипчок, Нукус-Мангит қабилалари, Бухорода эса шайбонийлар замонида Кўшчи, Найман, Карлук, Бўйрак қабилар. Мангитлар замонида (Радловга кўра) Минг, Арлот, Борин, Баташ уруглари

маъруф бўлмишлар. Катагонлар даврида «Бек-зод»лар сайлаганлар. Уруглар ичида Туёкли, Мўйтан, Хитой, Мангит ва Кўнгиротларнинг Бухородаги аксарияти Дашти Кипчокдан энг кейин келган уруглардир. Булар илгариги Мангит-Нўгой, Козок хайъатларига дохил бўлиб, кейинча-лик Мовароуннахрга келганлар.

**Заки Валидий**